

مجله ادبیات

هر شهر عربی ابتدا سیله اون بشنده نشر اولنور (۵۲)

جلد ۵ - جزو ۵۲ [فی ۱۵ محرم سنه ۱۳۰۴] نهمین ۳ غروش

ضرب ابتدگی گبی برگونده ۱۰۰۸۰۰ کره اورپیور . هر ضربده تقریباً
 ۱۶ درهم قان آتیور . و ۲۲ تاییهده بر دوران دم واقع اولیورکه باصمه
 طلومبهله بگزین قلب انسانی اقطار بدنه یومی (۷) طون یعنی ۱۸ قنطار
 قان سوق ایلور .

بر فقره تاریخیه نك قائلنی تحویلدن نه چیقار

لطائف تاریخیه عنوانیه مقدما مجموعه عاجزانهده نشر ایلدیگم بر
 مقالهده « فقره واردرکه محتویاتی محاسن و معالی اخلاقی متضمن بولندی
 ایچون هر ملت کندی اعظمندن برینه اسناد ایتشدرد . ینه فقره واردرکه
 سیئات و قبایحی ناطق اولدینی ایچون بر ملت بر صورته متغیر اولدینی دیگر
 بر ملتک رجانه عزو ایده کلشدر . هله قائلنک ذکوت ودر ایتنه دلالت
 ایدن فقره لری هر ملت کندی افرادینه مال ایدنمکن چکغامشدر . اوله
 فقره واردرکه بوگون نه موردینی ونهده قائلنی تعیین قابلدرد . چونکه هر ملتک
 تاریخ محاضرات و آدابنده عینیه مندرجدر « دیمش و بویوله بر ملتک
 رجالتدن صادر اولدینی حالده دیگر بر ملتک رجانه مال ایدیلان فقره لردن
 بر قاج دانهنی مثال اولهرق ایراد ایش ایدم .

کچده نشر اولنان بر مقالهده مشهودمن اولان بر فقره بالاده کی قولمزی
 تأیید ایلدیگندن بوراده تکرارینی مناسب گوردک .
 آثار عاجزانه می مطالعه ایدن ذواتک خاطر لرندن اولسق گر کدرکه
 ۱۳۰۲ سنه قریه سنده نشر ایلدیگم ربیع معرفتده (بعض اجوبه مسکته)
 عنوانیه عظمای ملت اسلامیه دن بعض ذواتک صادراتی تحریر صره سنده
 امام ابویوسفک آتیده کی فقره نی درج ایش ایدم :

فقره

ابویوسفدن بریسی بر مسئله سؤال ایش ایدی . مشار الیه « بومسئله نی

تلیورم « جوابی ورنجه مسئله نك سائی » یا او یله درده بیت المالدن نهایچون
 باره آلیورسك ؟ « سؤال اعتراضکارانه سی ایراد ایلدیگنده مشار الیه
 دخی جواباً « آلدیغم باره بیلدیگم شیلرك اجریتیدر ؛ اگر بیلدکارم ایچون
 باره الملقغم لازم گلسه ایدی بیت المالده بر آچه قالمزدی » دیمشدر .

بو فقره بر عاقل صاحب انصافك ترجمان فضائی اوله حق اجوبه
 مسکته دن اولدیغیچون دائماً بودرلو دلائل عرفان و ذکائی افراد ملتیرینه مال
 ایدمکدن چکنیان متصلفان افرنج درحال فقره نك زمیننی تحویل ایله برحافظ
 کتب لسانندن اولق اوزره ضبط ایلشردرکه ترجمان حقیقتك تفرقه قمنده
 (بشیر فؤاد) امضاسیله نشر اولنان بر مکتوب مطوالده مشهور من اولمشدر :
 لویا اون دردنجی ویا اون بشنجی (خاطرده قالدیغی ایچون معذور
 پیورلسون) لوینك کتابچیسى بعض کتبك مندرجاتی حقنده اولنان بر سؤا
 (بیلهم) جوابی و بر مسی اوزرینه یا ایچون باره آلیورسك ؟ دینجه - بن
 بیلدیگم شیلر مقابلنده باره آلیورم بیلدکارم ایچونده آلسه ایدم قرالك
 خزینه سنده بر باره قالمزدی - قولیله دفع اعتراض ایلش ایش .

احتمال که مرقوم معترضنه بو بولده مقابله ایش اولسون . فقط بو
 جوابك قائل اولی کنیدی دگلدز . (توارده امکان یوقیدر) دینر سه اوت
 وارد ؛ فقط اکثر ذواتك توارده نامی و بردکاری اقوال بك جوق زمان
 اول سوبلنوبده السنه ناسده دوران ایده ایده انسانك حافظه سنده بر طومش
 سوزلردرکه بعض کره کنیدی سنو حاتی حکمنده لسانندن صادر اولیورر .
 وحی اوسوز صحیحاً کنیدی سانحاتدغیدر . یوقسه آخرك سنو حاتندن اولوبده
 سوق حوادث ایله واصل سمعی می اولمشدر ؛ بحق تمیزندن عاجز قالیر .
 توارده اشعار دخی بو قبیلندز . واقعا بر لفظك بر زمانده آری آری ایکی
 شخص لسانندن صادر اولیشی کثیر الوقعدر . فقط بو تصادف ایچون
 مادی و معنوی بر جوق وسائل و اسبابك وجودی لابدر .
 مثلاً بز بر وقتلر منافده آیلرجه براوطه ایچنده بشادیمز ، یعنی بر محبوسده

موقوف بودند لغز صروده بر مدت ساکت قالوده بر مسئله ویا بحث اوزرینه
فخ دهان ایده جک اولسوق مدحت افندیله انکمزك لسانزدن آن واحده
لفظ واحد صادر اولوردی . حتی بو تصادف کرات ایله وقوعه گلدیچون
گونلرجه اشراقیون کی یکدیگر مزله لقردی ایتمزدك . چونکه فکرلر بر نقطه یه
منعطف ، ذهنلر دائما بر مقصده محصور، قیابر بر حس ایله متحسس ، بدنلر
بر دائره محدودده ایچنده محبوس . حاصلی بزم ایچون هر آرزو مساوی ،
هر موجود مغبوط، هر حرکت محدود ایدی . بو سببله توارد سانحات
طبیعی ایدی .

فقط میلادك سکرنجی عصرنده یشایان امام ابو یوسفك لسانندن
صادر اولان بر سوزله میلادك اون سکرنجی عصرنده یشایان بر حافظ کتب
لسانندن صادر اولان بر سوزك یکطور ویکمال اولسی اگرچه داخل احتمال
ایسهده اوزمانه قدر نیجه کتب محاضرات و تراجم احواله انتقال ایش اولملقانی
مستبعد اولیان بو قولك مزکی افکار و مذهب اخلاق اولدینی حیثیتله
هر صنف ایچون شایان رغبت اولان ادبیات ویا تواریح اتمک بر حافظ کتب
ایچون اهمیتی غیر منکر اوله جنی ملاحظه اولنورسه قول مذکور مرقومک
سانحاتندن دکل مضبوطانندن اولدینی اعتراف بیوریلور ظننده بز .

بو مجشده شوراسی ملاحظه یشایاندرکه لساننده یازی یازمق
ایستیان ارباب اقتدار انساب ایلدیگی السنه اجنبیهنک محصول معارفندن
ملتی مستفید اتمک ایچون اول امرده کندی لساننده کندی اخلاق
وعادات وحتی اقوال و محاضرات ملیه سنه علی قدر الامکان احاطه حاصل اتمکه
اعتنا ائلی در . چونکه معرفت نقل مقالده دکل تعلیم کالده در . تعلیم کمال
ایسه آتی یوز ییلاق بر ملتک کندی سایه مساعی وادرا کاتیله اجتهاد
واتخاذ ایلدیگی وساطتی بکنیهرك تحقیر و تخریب ایله دکل منسوب اولدینی
ملتک شان عرفانی تقدیر و توقیر ایله برابر « موجودی قید و مفقودی صید »
ایتمکه چاشمقله . یعنی ترقیات عصریهده بزدن ایاری گیدن اقوامک وسائط

معارفنی احتیاجزہ و اخلاق و عاداتزہ موافق براسلوب ایله دائرۂ اجتماعیه مزہ
ادخاله صرف مساعی ایله اولور .

رأس سنه هديه

خرستیانلر آردسندہ ہر سنہ میلادیہک ابتدائی ایچون بورطی
طوتلق قاعدہ اولدینی کی بزم محرمیہ قییلندن دخی صغار و کبارک یکدیگرہ
بعض تقاریق اتحاف ایتملری دخی عادات صرہ سنہ یکمشدہ . احبا احبابہ .
اقربا اقرباہ . زوج زوجہ سنہ . زوجہ سی زوجہ . ہم شیرہ برادرہ . حاصلی
اوزاق یقین ہر شخص قدرتی . حسن طبیعتی نسبتندہ بر ہدیہ ویرر .
حتی اوروپادہ بعض صنوف ارباب صنایع برآریہ گلہ رک کندی ناملربنہ
اولمق اوزرہ حکمدارلربنہ ویا وکلادن وطنہ اک زیادہ خدمات مشکورہدہ
بولتش ذواتہ دخی بویلہ تقدملردہ بولنورلر . حکمداران دخی وکلادن ویا
ادبادن ویا عسکریدن اولان بعض آشنالربنہ مثلا تصویر . ویا سیغارہ
محفظہ سی . قلیچ . حقہ قلم . کی یادگارلر اهدا ایدرلر . بوهدیہ لرک
قیمت مادیہ سی مطلوب اولمیوب اهمیت صورت انتخابلہ صاحب ہدیہ
طرفندن خاطرہ کتیرلش اولمقلغسندہ در . مثلا بر حکمدار بر صاحب قلمہ
ولویوز غروش قیمتندہ بریازی حقہ سی اهدا ایتسہ نائل ہدیہ اولان ذات
آنٹ صورت انتخابندن طولانی احتمال کہ مجوہردن مصنوع برحقہ صاحب
اولمش اولمقدن زیادہ مفتخر اولور .

بعض بیوک رساملر اکثر احبابنہ ییل باشی ہدیہ سی اولمق اوزرہ
کندی قارت و زیریلری اوزربنہ (رسمدہ ہانگی طرزہ منسوب ایتسہ)
مثلا اوفاجق برکی ویا خود بر بار گیر قفاسی رسم ایدرک ارسال ایلر . بوگی
ہدیہ لرایسہ اورسامک اک بنام لوحہ تصویرندن زیادہ مقبولہ کچر . مشہور
رفائلک بریسل باشندہ بر مکتوب ظرفی اوزربنہ مرگیلہ رسم ایدرک